

復  
莊  
詩  
問

復莊詩問卷三十

大梅山館集

鎮海姚 變某伯甫

董 璠 上元夜招同人飲 以下乙巳作

羣公蕭雅似春簋  
厠以癯梅傲不妨  
昔夜琴樽成古夕  
醉中天地有迴陽  
繁燈轉壁撩人影  
牕雨當檐洗月光  
莫漫隨歡攜羯鼓  
去催鄰社鬧蛾粧

雨中過湯 淮 贈詩四章

玉茗先生老癖書  
城南烟篠媚樓居  
詩從悟入多禪解  
暖逼春來喜病除  
明月心期潭水識  
梅花蹤跡市門疎  
亂流莫怨竿難下  
看我滄浪濯足漁

太息文章覆瓿難療愁須乞大還丹依松小草誰名貴  
裂竹悲風當叩彈只有雁飛知塞遠莫教烏警到更闌  
願芟百晦荒田秫與爾分塍種楚蘭

大海曾無桂樹岑連蜷奈爾美人心開門縱目雲流急  
背燭憐鬚鏡色深亂後少陵餘破屋悲來叔夜感孤琴  
姮娥倘駐虞淵駕應有明珰照鬱沈

疣贅無端厠僕羣飛而食肉媿將軍須知我輩癡真絕  
所惜先時道未聞滄涼城霾相激薄妙山佳樹與因盟  
更誰可許從旁著讀此離奇太玉文

詠水仙花十二韻

獨夜淩波影孤燈是爾知靜難潛氣息潔許謝容姿障  
袖微烟可爲闌小石宜春情無謔浪我夢在寒漪月思  
雕如髮冰華輒到肌乍含殊怯怯有待故遲遲纖翼鸞  
幺影斜鬟玉一絲毘婆疎戒律天圓撒籊籊須臾藐姑  
射要怜袁寶兒物應愁態拙渠敢賺人癡守澹真存吉  
緣塵肯化溜水青雲皎白琴客渺何之

贈董老

放

五章

董老喜吟詩攀援古是師觸心微有會含笑一拈髭烟  
壁動蘿帶春江蒨柳絲許多蔥澹色百裊入君思

董老愛種花釵鬟列屋誇枯枝經拂拭小蘂亦妍華春

好傍鶯坐夜深愁月斜多情能熨物娛爾壽齡加

董老善作畫撐胸竹石蘭屈剛爲婀娜拔俗出高寒濕  
墨兩三葉長箋雲一竿須生靈怪氣驚倒秀才官

董老溺飲酒三杯興始狂市傭皆識面有債亦尋常晚  
雁青天小臨風白髮長糟邱封汝醉醒後卽他鄉

董老好結客坦白絕猜疑如對邱山重能令冠蓋卑苦  
心尋諍告熱膽赴艱危金石古班尹誰嗟近莫期

春晴過江氏園三章

俗屏忘事櫻境寂適朋聚在矚無遁姿以我悅心與怯  
鶯餘宿風嬌鶴得晨煦羣葩如獻情含態各妍吐每出

一象奇動留半迴佇暫猶嫌綺芬靜挹自幽古蓄有邱  
樊思藉茲略傾吐愛惜不忍離清譚日忘午

虛堂宜空谷何以多好蘭交葉良歲蕤結花況復繁衆  
娉環屏風梳櫛無同鬟隨其向背陳不厭周匝看四壁  
澹搖綠當檻疑有山微風過吾袂空響生琅玕悄然顧  
橫席琴絃潤方安惜無中散稽取我胸懷彈

卷幔放天色置酒南軒中高花入杯影汎作流霞紅醉  
還弄池水倒見雲行空目送蘋點移意識東來風靈機  
變倉猝妙緒難盡窮幻作瓊烟香撲我衣融融清明風  
淪汨檢之多愧衷庶幾附羣物順養怡其蒙

湖上

暖水養春妍斜陽明一邊  
城容思草拭柳意待鶯眠  
掛上空亭旆橫來畫渚船  
低徊生蕩思平迥夕無烟

獨居謠四解

飄風千里流雲未已座聞清歌投袂而起  
出門逡巡還入我戶彼飴之甘安知荼苦  
遶山繚峨橫川自波羣燕來下柳枝不多  
夫君未還貞守誰信春風獨居委顏於鏡

春園寄興四章

元化如周輪萬寓復其端  
憂傷極靈機安使恒無歡  
春

煦散羣枿得氣先  
苔垣乍有纖鳥飛  
來俟庭花繁庭花  
少女姿借葉爲羅  
紈揜蔽苦不密誰  
諒貞心完昨宵過  
江雨高枕夢流湍  
短燭一寸光戀影  
盆中蘭天地無鳴  
雞昏昏交雲瀾敢  
慮發洩盡凝以歲  
晚寒簫管不留聲  
華宴今闌珊瑤池  
開碧桃往無摩霄  
翰

春草不自知漸上  
空階生蝴蝶弄遊  
絲力與微風爭熟  
畔境無改猶此山  
川橫何以過牆色  
流翠周檐薨動息  
任所感在濁難爲  
清天膏斬滋養妙  
象誰玉成素馨方  
茁芽綺李已殘英  
掃之不愛惜緣有  
新眷情澄天如秋  
高決皆彌流精潄  
然浮野烟晨色暉  
之晴相羊步空濶



芳緒杳來縈芳緒與誰繫繫以枝頭鶯

白蛤桃花香野菜肥如菰挈瓶賃隣酒坐此朝陰中西  
軒延明曦東壁猶濛濛青蟲似初蚓延緣上庭苒爲愛  
一瓣花飛到隣園紅隣園多菜竹亦有千尺桐娟娟么  
翠翎入畫宜屏風靜來警微醉故作絃語通出門眄垆  
陌寸意協萬同一綠與天蔽密至翻疑空但覺枯朽間  
其致皆濫濫還歸更浮酌匪我誰夷冲

殘夢破混沌旦氣真黃唐稚子正晨讀元籟何琅琅攬  
衿理盆卉嫩甲多鵝黃得春便知媚浮以新露光貼根  
苔花生羞縮不敢香遊蠶過相睨意欲資爲糧養命在

等雌榮悴爭芴芒縱無九萬程燕亦如鵬翔滌心謝閔  
蔽太素皆文章須知炎熇天地有冰雪涼倦來隱吾几  
瞑目開八荒瑰焉礪蒼紫六氣無藏陽

楊山人

韞華

書來知陳

佐鈞

病劇寄懷二章

生涯雖苦茂先孱未分深遭二豎患遠晶難摘襟上雪  
瘦烟誰拭夢中山莫沈古怨憐駒逝好繹奇思破象頑  
丹竈死灰燃可復須知微息繫元關

花托修枝葉庇根迭經搖落事難論未當衰老拚哀樂  
夙有心期繫友昆雲隔山川思易惘道如名位賤何尊  
誰憐佳女棲蓬首爲撫清琴向華門

曉起

明翠延晨旭真天自在清恬風颺弱草綿氣愜流鶯薄  
簪飄烟軟春衣著腕輕游絲作愁態婀娜若爲情

幽懷

暗判柳色妒屏紗靜有烟絲裊畫叉小閣寒深愁水近  
疎簾雲重有峯遮一帆自送鷗心雨獨樹初明燕背花  
匿爾幽懷誰領得白蘋只去媚漁娃

述意十六章

履時止天寓庶彙無播遷準化慎所修戶祝還寸步高  
明集羣矚聲臭冥相緣舜治不下堂萬蟻來慕羶僞態

能盡人外嗜誰能捐

樸質難自完結奇悔成礦益爾能幾何羣餐敢狙獷深  
潛謝網罟讓彼水中龜木朽將爲柴於誰告瘡瘡須諒  
寸意完萬蹄可馳騁

免性亦匪馴風德豈真盜汝憂途假虞吾疑鼎遷郢健  
體誰百年苦倪近稱髦睚眦交衆讐達人避施報東海  
無劫塵仲連適孤蹈

適月還自戕蜂脾蜜初割山叟泯競心林霜滿毳褐崇  
蘭嬾紫華崖深未容掇臥龍不出廬風流永沈闕安閑  
陷溺多乾坤正驚惶

雍雍君子爭賓射有恒禮寂養抒遠懷不如酌春醴皇  
憲無市恩持綱歸大體飲啄同適天詎令汝身濟功業  
猶露背相資固根抵

布衣揚清風入座詎云尊騎牛尋綺角不入高戟門  
禔梧宅神薦蟻命自宜禪六極天幕張戴之同年益華色  
有彫散靈息茲永存

莫矜伯也驅相期叔無狃在莽多伏戎依然論昏媾禍  
福如省機一發盡奔潰射工吐毒絲急已中膚膝嗟爾  
踽踽身出門往誰疚

楚楚裳與衣好人賦要褭莫云大行高雲梯可登陟天

續盈亦虛鴻文互矜式莊生遊逍遙老子守元默我愁  
流變開巧詐復安極

山斗嶒爾姿氣詎測中荏敢有寸梃持來闚甲士寢僧  
屠乘駟車咄嗟命難諶幸哉董氏孤筆能削流品抱石  
崑崙眠庶幾得高枕

貶曠希夷中元黃戰方酣豈將盪我憂使我精力耽通  
窒視轉樞元命難備諸力保冰雪容誰能與之慚杜陵  
昔有言人生貴是男

伯倫一杯酒萬古黃土埋安顧醒眠人束手看雲霾斷  
石眠荒沙削之不成厓巫咸正求訴可惜天無階願乞

大化鑪一鍛道之骸

真陽不寓元至陰不棲牝甲運疲屢周誰續天地泯奈  
何身爲螭鏤斲到肝腎內寂靈與綿上吉凶所睽胡爾  
不黃泉而欲侶螻蛄

維狼巨喙張能得幾肉噉托匪禽獸身徒因口腹憊蔽  
道多亂荆飭爾斧柯壞外已辭瑟膠中何嫌絮敗汙潔  
關貪廉杆槃有銘誠

矯誑啟女巫設燈祀貓鬼不惜顙汗多泥牛曳其尾未  
俟傳檄誅大路有公誹傾屋難手扶君子惻焉悱須知  
蕩坦區皇風布昭躋

祥祲錯五行乃從京氏學上哲持理繩齋心避虹蜺守  
萌方在苞未須剖禽穀眩目天翳深憧然夢誰覺益損  
旋姑甦元聲辨宮角

手撚寸縷紅往縛天門獅雖在脫襁兒亦能辨其癡病  
龍不作霖死豹空畱皮五味謂可調習庖從姘娛恒謀  
寡良策吾還問諸著

折櫻桃花作瓶供

素麝燈氣熱抵得月璫懸暗夢烟難約明波鏡與通可  
簪宜髣綠有淚待鴛紅亭上石華袖繡誰能許工

草



山川春夢裏之子正雛年頗恨碧天遠頻疑翠袖蕩屐  
痕深著露馬影澹生烟纔得醉眸暗飄魂愁杜鵑

牆西玉簪初芽

薄紈如水障鬟絲往夜流螢夢碧漪不分掠將三楚思  
倩誰寫上六朝詩夕陽最媚當初篠弱草同憐是卷菴  
靜窟未供胡蝶睡已招涼月戀遲遲

湖上見落花

不盡斜陽怨難爲燕子心水將春緩去天與夕俱深粧  
閣箔愁下釣磯人苦吟隔蘿雲一角乍可夢湘岑

風竹

篩雲天作水蕩水月生烟愁想畫屏倚舞宜么鳳翻暗  
心秋瑟瑟疎夢玉娟娟莫譜瀟湘曲湘君有怨絃

題徐司馬榮草檄圖

不弄纖耳刀羞舞大鼻盾海鯨振青鬣長秋有頽坊天  
矢方上弦狼星夜焜焜側耳風末聲鉦鞞作雷輶城漕  
多磔尸軍心碾如粉應猝無神師袖手鬱以憤長史非  
麗官讀書謝乖躋卓轅武庫胸恒鈐掃涓臚入壘沙烟  
開斜旟亂鷹隼縛梨懸楮燈片席太山穩鬼膽攝寸毫  
詎惜長爪損眼明牛女間妖機滅焉隕祗今昌國州蕞  
田未鉏墾縋棧曾無輿乃教石眠閭君手爲鋸鋸畱意  
復莊詩問

開混沌毋使浩莽心逝與夜潮盡勒碑鎮回紇歌詩諭  
穢執攬握有全籌視君馬前紉

懷九老詩九章

余於九老不得見者六七年消息間阻並無聞也忽焉懷之

丹徒楊山人

鐫

乾嘉名流此碩果秋影君山玉爲笥辦香太白無俗詩  
江上年年走烟舸春燈畫雨金閨城攜簫撥柳同狎鶯  
結解醉作女兒態使我難忘那夜情

山陰杜孝廉

照

瘦姿爲鶴宜立雪誰信懷中抱明月路河春晚行送君  
歸夢靡蕪感芳歇今當閉戶逃吟禪霜嵐束爾瓊骨堅

剡舟咫尺不能到空向雲門憶杜鵑

長洲陳學博基

一衫潦倒君羅隱墮魄烟邱泣金粉風篁刻夢湘睂彫  
不讓三閭擅悲憤盛名苦換銀絲髮末路生涯剩薇蕨  
隨園賓客今幾畱倦雁關山默飄忽

錢塘陳大令文述

瑯嬛門下誰綺才使君遠躡彤雲來六朝樓閣入殘照  
美人送晚蘋花開擁艷窮居不稱意晚年猶作祁門吏  
共識元龍天下豪柳陌華旌看春騎

吳江郭布衣鳳

匿名不出松陵里苦守靈芬哭兄死

謂頻伽先生

霜簪在屋

梧桐低琴角悲聲續枯指白鬚紅舄青竹筇風格頗似  
東園翁高秋泱泱山川氣收拾深杯菊影中

嘉善黃太守

安濤

涪翁少狂老還狷酒海乘船不投酒春桃手擷婀娜枝  
輒復高歌露英眇息畊草堂花幾開鶴魂可守吹簫臺  
何年縛得鳳羽帚爲吾重掃西窗苔

歸安奚山人

疑

一樓俯溪如蓮莖雲漪汎動檐額青書聲漁唱互酬答  
月燈下上羣鷗醒昔年話夢西風涼灑然酒氣攪茶香

騷人自有薜蘿願不製紅衣媚夕陽

山陰汪廣文

能齋

廣文品酒如品泉醉草能作張旭顛吳山秋風萬里到  
招攜坐桂同華筵玉厓絮雲塞猿語夜抱禪燈聽江雨  
襄陽詩骨倘健存定復難忘柘枝舞

秀水家明經

觀光

頽頽天籟富金石高座指揮如意鐵倦還約束千古眼  
不管春花遍狼藉七年不過丁卯莊九霞常夢崑崙觴  
延平劍氣逼牛斗鬱然遠見青虹光

孤心

花影罨橫牆孤心月共涼昔春人怨別遙夜露吹裳樓  
靜移笙語風潛得蕙香透遲愁不寐掩箔惜燈光

屋崇行

夜火嘻出怪鳥語荒國刑天盾戈舞魁頭蒙面如嬰兒  
赤手攀樟夢中蠱敗樹挂月葉有聲冷街往往遊殤兵  
建壇醮祭未肯散大儺術窮雙頰頰北郊地曠多醜瑩  
爾厲胡來民屋停此屋將軍之故宅將軍在天有英魄  
喑啞一聲聶豎戟十萬雄軍能辟易咄爾小醜風吹塵  
膽敢摩抄到虎額賃居費錢五十緡托此而處吾有因  
清明中元具盂飯九幽得氣迴陽春窶人雖乏少宰腆

薄不廢禮當毋喚夙聞避泉同泉貌一載遷移更六姓  
顛連死喪無完家犬馬都遭負薪病豈真陰鬱能抗陽  
妖蠶乘權奪造命我來求庇兩載餘女惟織紉兒讀書  
老親弟妹同與與太和祥氣周庭除爾胡昏憤不自愛  
時投暗肯來狎予雷門飛將可符檄爾輩不值荆榛鋤  
搜苔拭壁虛室白與爾鴻溝誓分畫我何肥潤爾何瘠  
各有其天順爲適吾詩遠抵驅鱷文不遽殺爾吾之恩  
爾魂逝且遊九垓呵叱狸豹騎鸞鵠天煦不靳扶桑暎

暮春雨夜同陳

繼揆

剪燈論文

茶鑪玉乳沸初笙繁葉鄰蕉暗翠橫獨抱古思抽古緒



靜搜元象得元聲  
語花夢瘦迷春障  
酒人癡抱醉罌  
夜氣無津通漠漠  
笙蹄不假謁觚成

挽劉將軍

朝元

詩三十四韻

死當爲鬼雄而豈國之殤  
食祿盡君事大義何皇皇  
赤旂翻洪濤流矢飛天狼  
避匿且不暇誰敢孤身當  
君姿夙森挺寒翠如湘篁  
肅殺兩劍睂逼人凜有霜  
塗抹孫吳書恣肆成文章  
綸羽儒將風百鍊無浮剛  
出身右科目告籍參戎行  
汗血步景駒共卜千里驤  
近奉上帥符巡哨旣括洋  
水綫縈雲壁賊艘來搯吭  
左右各棄繻舵卒心膽喪  
律令傳火車貼耳聞雷碾  
飛灰眯腥霧白戰

昔無障三尺健臂存焉肯羞螳螂透甲新血痕割衿裏  
其創眼看軍髮焦魂畱氣先僵暗山動肯辜夕緊烟颺  
荒朱鳥愁沙田閃落頽陽光首尾遠莫顧猝難呼餘艤  
遂使砥柱危雲地傾混潢生平論忠節此願頗誓償每  
嗟權職昇末從摩酋羌邇來夷祆平天鏡激蘭滄誰令  
小醜羣尙爲鼠跳梁疎略不自君驅君身受戕賴流橫  
大瀛哭君將何方城東棟樹高古屋夜聞鶻輿尸猶未  
歸白頭倚閭望苟存鮮百年早晚均一亡獨有英烈魂  
不隕青蒿邨九重下恩卹綽楔開門枋炯炯西垣  
星萬古輝靈閭

移家寓甘溪

依然萍托渚漫說燕營巢借圃移風竹分檐葺露茅賤  
宜旁廡寄靜謝俗鄰詭繞屋一溪水清流信不滑

雍後庭草

處事尙姑息詎足同遠謀縱爾蕪滿田得鋤吾能耨後  
庭隙地畀繚之低垣幽亂草遍延蔓殃及窻戶修但供  
惡蟲匿時來病鳥投穢汙不痛除清明逝焉求欲防牙  
蘖萌務絕根株畱敢仗雨露滋氣拚佳木稠鑿稗不偏  
產我難天心詵因循而養奸斯貽包茅羞西鄰有獨松  
迴影卓誰儔庶使淨地風一拓空山秋

題陸幾巴西南龕石壁題詩圖

文字如蝕塵千秋幾完美安得石匣藏不與造化毀陸  
生少負才單鞭走萬里飢餐大劔松渴飲桔柏水鬱勃  
蟠寸胸幽天遜奇詭肯爲瑣屑鳴因人受橈凱劔門一  
握青臨江東孤輦犄角玉臺山窅然動蓮葉生攜三尺  
鋤摩雲斲龍觜何愁落葉風身輕與同委長飈過南岷  
流雁渺可指俯驚白帝猿結巢七盤底絕壁懸藤輿創  
烟出青砥蘸墨作巨書和之石中髓嗟哉古名流鴻章  
擅琦瑋紙敗無片存況多兵燹燬獨此不滅光山川共  
嵬嵬呵以蠶叢神未許狎夔鬼至今新苔痕時拂琪樹

藹可憐王子喬縛骭尙芒屨蝨處崢嶸天看彼白日駛  
太寥無岸崖百年究何俟豈勝襤褸人抱椽到沒齒窮  
骨難改鑄高名亦糠粃披圖成此詩吾還感封豨

贈徐十三明經

時棟

四章

割裂誣聖賢誰真讀書者鵲轡差可勝自許等天馬喁  
響欺病蛩何如箝口瘖眼中城南徐生平意中寡羞攘  
名言厄恥多辨才輟九宇氛自激三垣斗堪把皇始能  
貫終太素不知赭豈有菲薄心奴視及董賈須悟汲冢  
書已在壁經下

玉纈不可礪曷貴昆吾刀捫隙守凍蠅在禪蝨已逃卷

軸充五車義理紛牛毛禹跡未過華誰疏汾與洮龍門  
有何鑰但資砥柱牢東流經萬里日月同滔滔縱立于  
丈波不掄青天高斯言雖指喻聞者嫌吾瞽且挾婆女  
絲往就天孫縈

桐城樹文幟南輝勢愁敗吾鄉始杲堂甬東遂成派越  
軌不受羈蹴塵但矜快遂使大漠空不如隧道隘君手  
工築籬先能飭其壞釀酒不到醇入市戒輕賣庶幾古  
蓮華別啟佛天界吾文如律師但拘五燈戒安得舍利  
珠懸門喝君拜

昔遭海上氛與匿蘭江陬雖墮荆棘中未肯白日偷愛

君自此始與君同唱酬攻之背水陣拒以田單牛居然  
楚漢軍一劃成鴻溝吾年過君十疲矣究何謀願如莒  
列齊共事天王周能任鯁鯁爭乃爲真龍蚘勉哉夏氣  
榮不勉時將秋

寄陳

慶鑄

朱琦

兩侍御都中三十二韻

拙魯嫫伏禽能識旭天曙鑒事違所懷哉毛悚焉懼窮  
生草莽棲矢謨有言疏夢寐通九閭可憐足投洳賈董  
今千秋危名未終誤所赧委蛇流太平倖 恩數今  
朝 列聖傳八埏羣 皇祚膺耳無塞黃因風想韶頀  
心衡持允中曷嘗偏好惡施濯必及幽彌綸氣成醕未

防螻蟻多狗貪廣相蠹拚口隨因仍諉云協時務海東  
方偃兵羣鴻餓思哺葺離期少安豺狼繞門顧白鏑堪  
駭魂瀝血仰何籲敢拚賤命微上犯長官怒一令資挽  
更洩謀速行鋪誰於邦本思哀矜愀刑措大園升高陽  
栗烈下潛沍寢衛隔上霄奚從體號諱變生遭亂離  
自分涸潭鮒俯得烟海澄重湔布衣素胡然身有家眠  
食尙疑怖眼看同陌民支絀受衰戮殺人挾利刃不若  
錢與布馳書告我友聊爲憤心吐玉關雲氣祥春姿茂  
佳樹長袖拂善旌鏘鸞佩鳴豫願從密勿間前籌借吾  
箸旣塞滯以通惟平準之恕坐挹南薰和歡歌遍黔庶



莫笑留見鼻徒解牖隙覷

薄醺

雨漬櫻桃潤燕雛來踏枝花輕鬆蝶氣篠短接蛛絲靜  
鏡宜山媚深苔有屐知薄醺聊倚檻初日上遲遲

琴想

琴想澹含雋靈天導古游四山明益迴獨鶴峻誰傳聲  
欬通神鬼紛更謝馬牛乾坤無盡碧橫我寸睂秋

夜坐二絕句

牆草離離得蚓聲夜無明月氣能清病餘強就鄰家醉  
歸有吟懷匿短檠

攤杯烘茗有楓香  
潤入初霽簟氣涼  
風過鏘然聞水玉  
畫簾夢影誤瀟湘

有所寄

江水入深綠  
山鬟生晚妍  
暗蘋能惹鴨  
殘絮尙撩烟  
小夢春心覺  
遙帆落照懸  
桃根三月約  
愁盼又今年

憶客

天闊雲爲海  
風顛樹作潮  
人歸難繫夢  
夜靜獨吹簫  
去雁家誰問  
離心髮共彫  
一眉簾未岫  
瘦影月迢迢

偶得

疎簾如鶴羽  
戔影過牆低  
淺沼紅猶泛  
斜檐綠未齊  
循

天邀靜盼養息遂窮栖絃得屏間瑟迴燈看嫩黃

寄劉山人 咏之

空翠闌杆太白杯晴光裊目極縈迴遠林日薄山先怨  
別榭簾深燕易猜溪上碧桃愁水逝牆根古蘚夢人來  
遙知短艇垂綸客夙有江南庾信哀

編甲辰以前詩既成仿賈島例祭之不必除夕也  
半生哀樂事管領久憑君醜面終難諱俚腔亦可欣神  
絃湘上瑟佳氣海東雲再拜供甘醴靈應我祝聞

初荷三絕句

隔簾明黛颭微波纖骨珊珊稱薄羅愛得月光含得露

他年誰諒苦心多

擬借冰絲繫豆梢誰裁烟縠拓沮坳似聽翡翠商量語  
要選蘋陰結畫巢

惜無低柳作圍屏  
匪夢銀甌怯夜星  
知否滾西小兒女  
一春愁暎未舒青

示張生

秉瀛

上修關佛悟飽食有天恩  
世事大河闊狂歌短鋏存孤  
懷窮易轉元象了難渾  
劣馬無驅種誰爲軼地奔

復莊詩問卷三十一

大梅山館集

鎮海姚 燮某伯甫

勵志四章示家塾同學諸子

腐儒在天地年壯悲鮮成求古有微志苦於飢寒櫻石  
田廢不治已多荒蕨生弗商還弗農何以儕庶氓環顧  
吾黨友翠茨春蘭英專銳務所宜久可樹其名發榮視  
諸始萬物崇勾萌高鴻騰翼飛長天方廓清黃雀啄田  
粒微飽安足爭

高吟移遠思風流寫其致似將摩九閭頓爾絕塵轡靜  
堂謝衆喧素壁極寥窅空華香可摛拂落指端翠積書

在吾席筌蹄具堪棄稗守無粹言茗發有新智未覺履  
棘艱坦境力能至駢犧慕肥膘奏刀待鸞試縛翼低埭  
中慎爾畢生事

積藏在中箬誰測中實虛莫云富可驕坐邁羣舌誅甘  
苦有究竟食蔗甯食荼潔玉閉重櫝蠅矢何由汙風飄  
若木枝歲月邁云徂願以仙掌平上執星斗樞一成守  
堅緻百折通游紆燦然羣化陳眇矣中心逋瀚海龍自  
升屋梁燕猶雛

夔虵互憐憫受化無殊陽辱蒙見愛深時以情腑將勉  
持百年志千載非浩茫空山有佳人攀蘭自知芳脩容

鑒明蟾詎愁顏日光大漠風翻雲天勢隨抑揚積氣良  
亦驕既殺去鳥由強三古不在古寢食通軒皇願持五  
色機黻此泰運昌

沈明府

肇熙

見過越日訪之已旋省矣擬寄以詩

大衢並馬蹴沙烟天末金臺舊夢懸負爾清才供薄職  
慚吾慵病戀枯眠冰鱗擬對櫻窗酒江雨旋移柳步船  
此去西湖花可菱定裁新曲媚初蟬

感事二十四韻

卜疑資鬼靈傾城闕如沸接耳傳囂辭白晝生暮氣清  
明持獨居矚室古所憚危哉陰陽睽呼吸欲通濟祆神

稱九官善蠱過狐魅誣証權奪巫翻槃索殺截縛藜坐  
代尸密牘錮疑隧祝去告叅梵文側難竟其祕遂令眩

惑交智慧迭淪悶邇來風益澆流毒遍鄉術遂淫博要

平衆愚分籌署名契下使窮戶民搜糧代金幣設主廟

塚旁歆血叩空誓願攫倍莠財飲爾牲酒費暗燐飄露  
腥陰風淒以厲乞夢枕草眠男婦不相忌可憐黷貨心  
暗遭罔兩餌桑麻多敗凋耕作久忘廢我愁積僞深天  
難保災癘安得律令飈痛掃下淵翳震旦殊北幽東桑  
炳陽燧斯民托蕩平遊魂敢相祟惡俗釀亂萌不攻勢  
將潰奈何守土官端居學龔瞶



曉晴

曉晴約翠光  
階草膩襟香  
颺幔蟲聲弱  
攪烟日氣涼  
濕塵欺研褥  
初荔腰茶鐺  
默坐防馳思  
渟然止吉祥

夜起

動緣勞思苦  
靜覺衆繁生  
側耳邀疎漏  
攤書泥寂榮  
遲徊逢月上  
蕭索轉愁平  
露氣週檐白  
一鳥相向鳴

有鳩集木二章寄郭上舍

鳳梁

沈編修

兆霖

有鳩集木晨  
暄煦之顧瞻  
西方怒焉我  
思川梁實絕  
心爲馬馳似  
有佳風來吹  
薄衣野無同  
舄踐亦易違  
往樂猶夢苦  
我窮追闕音  
乍洩玉琴手  
揮飄埃在虛  
孰知其復壯  
詩問

歸

落葉滿壁酒如奔  
泉牽裾而訊孤月正懸  
旣醉云別揚帆大川高城一坏目阻蒼烟自秋徂夏曠已閱年廣海無垠夢難恃權山窗獨倚流雲晚嫵結蘿眷睇致爾繹綿

懷陳吳杭州

依人猶困食垂老尙窮經  
莫使珠藏橐相期刃發硯風湖孤鳥下雲海亂山冥  
願載新槽酒從君辨豹隱

答傅濂見贈韻二章

雖挾義和鞭難策疲馬心  
疲馬在荆棘嘶風多哀音客

有蔡中郎獨抱焦尾琴不語投空山知其所怨深春蘭  
未邀賞紫烟影以沈願挹湘江波爲爾湔素衿  
出門滅豪邁日去無還時菽帛尙不謀命世誰相期纖  
愁縱有杼引緒憐殘絲還虞霜雪痕漸來欺髣髴安得  
服氣方永與飲啄辭庶幾盈抱春不改貞秀姿

原作

臨海  
傅 濂 獻生

哀樂滿今古獨聚詩人心詩人有真氣發之爲元音  
客夜讀君詩如聞太古琴其節悲以壯其意鬱以深  
隱然聞歌泣萬響聲爲沈但覺大海風寥寥吹我衿  
昔與君相遇各在少壯時意氣出酒半懷抱古與期

今我不適意風塵添髣髴絲君復感涼倒鬢鬢生吟髭  
野鶴既鍛羽耳目玩不辭終當勉千載無負松柏姿

畱鬢

自憐清鏡減容光年已如斯未敢狂佳日隨塵飄漠漠  
丈夫有氣就頽唐微名空負詩書願後秀多居子弟行  
寄語道山閒伴侶倦鳥蹴屋正愁霜

閒意

閒意得孤住靜看露草光一螢停竹籜遲月避蘿牆氣  
爽烟難近天空夢易涼樨陰吾袖薄暗挹有微香

月夜納涼按葉山人

元堦

赤堇遺稿用其懷孫明

府韻三章題卷後

因仍尙標榜名海無真詩緣飾哀樂言罔或根內思山  
人友千古守本無遲疑意在後必傳屈強甘違時運以  
精到心著以親切詞蜨桂月滿岳濯蓮露盈池旣堪振  
庸懦亦足懲詭隨衆眼尙皮毛求形不及骸安能攬世  
人一一示之懷姓氏未出里久將忘爾誰輔爾弱無力  
平生吾慚知卞玉蘊石中寶在終有歸

君詩在吾几君魂今曷歸仰見海月高滿我懷中輝萬  
里方沈陰此月光與迴象列天地中未敢遁相違見月  
不見君徙倚吾在階君魂或卽月散氣清無涯山清我

非鶴水清我非鷺跼影向低屋安能浩蕩期吾影亦借  
月君魂倘來羈可惜月不畱漸漸沈海西但餘牆隙光  
照我彫鬢絲似難淒楚禁月與吾影辭月去有明日魂  
去無生時置我霄壤間轉同星光稀霏然下涼露和淚  
沾裳衣

謫夢遊人間夢醒還九霄光碧琪樹林夙世君所巢雙  
成雲和笙嬌君升天謠但憐吾不鸞玉清望難翺大呂  
迴煖陽六合冰氣消灑落芬陀華下使千靈朝君詩曰  
月魄天鏡森昭昭七步遮須王庶幾同賓僚道在劫無  
毀心近神已遙幾斗迴西樞獨射長庚高

注道藏玉樞經成繫之以詩

叅同靈寶皆糟粕黃白腐腸非上藥眼中壽者誰百齡  
精氣於人日淪薄此經云傳九宸帝勦說元虛弗深計  
斡旋性命具圭臬消息乾坤有根蒂斯民得生甘自捐  
七情刼伐多可憐元關未安龍虎宅黑籍早促蜉蝣年  
我軀百病幸逃死待復冲和攝陽始倘刪五濁皈彭篴  
還燕孤燈拜聘李綺雲郁麗琅風清華旛貼虛青鸞行  
嬰兒如黍匿中府紺光四照天地明愧難手借陶鈞力  
刊落繁蕪守諸默蓮華一莖春露色大海無塵月初拭

夜坐

蛩怨先秋急花寒逐夜深殘篝猶戀纖澀指不輸琴髻  
就穿幃月風梳繞屋林好將蕭散意和夢落湘岑

甬江市樓夜飲同王 燾

蟬稀鄰語出月墮漢光開帆入橫江去風催遠雁來相  
將娛寂意未肯放深杯醉嘯聊抒憤魚龍漫見猜

病馬

俯首辭孫陽未敢論知己轉令疲茶材氣象得矜恃風  
雲如亂蓬狼藉不可理臥影頽陽中展足尙思起誰免  
烏啄創肉盡但餘骸生愁報主心銜赤到沒齒慚彼新  
剔駒遠顧極千里精力期自珍毋爲錦韉市



枯猿

碧眼熒如星白日睨飛鞚任爾林黑拋麋爛與塵葑暗  
薦纏石門十年不出洞面壁長睂僧壁曉對影共嘯謝  
盲風瘖影辭古潭弄急溜千崖崩兀止見凝重自分鄰  
朽株永絕智巧用安顧天地間關心有哀痛

凍虎

飛雪連萬山陰洞厲難藏瘦木無片青苦借荆棘防冰  
氣恐到膚戟毛未敢張獵食思野獭舌縮心先僵英雄  
嗟失時意氣索焉亡樹骨慚未堅飛騰願奚償依附絕  
炎勢視之翻馴良變態亦已窮誰筮大人祥

餓鷹

關河飛鳥荒獨翮去愁箸爪鐵卷欲摧腦籬厲逾緊拉  
雲不可餐勢極更難忍可憐風欺毛彫落已垂盡燕雀  
謀剩粒適命保愚蠢負德頻飽颺汝將冀誰憫安有血  
肉肥恣汝無饜吻天心當悟時賢人畧抒憤

喜晤王明府

有齡

送其之慈溪任

憶昔海變危經畧勞大官散吏各從軍峩峩貂尾冠仰  
見驚鳥飛手攫似可餐安問懸肘弓張弛有所難馳驟  
弄白日意氣交騰驩羈縻圖目前棄金同邱山君來勦  
會計夙夜凜無閒鑒未必及本而能持其端明燭了千

僞不素支度煩下察隸與倌未或怨疲瘳惜哉立勢孤  
僚輩多觸揮手抱穎師琴逆風自鳴彈驚火落遊槍掠  
地驕番汗城壘一萬軍衛拒苦猶單君保糧輜行拇血  
敢辭殫風刀勢面痕奪狐西出關招亡集曹娥親卹履  
茅菅事定論功賞乞職多援扳君職實稱勲益祿何慚  
顏慈湖郡西鄙近亦困凋殘當令磐石懸置地砥之安  
未及底同樂先宜識同患並非尙苛刻一一求瘡痍庶  
平氣垂斃猛奪生魂還靜日苑青柳漣漪江初瀾送君  
江權紆天鏡驪明巒神醫得扁廬黎甦復何瘼耳聽口  
碑俚其榮逾鉤聲作詩聊寵君諒我慙直言暗木愁梟

鷓鴣孤鶴垂素翰

溪上行

去年溪上桃花枝  
花底春人白袷衣  
宿鬟不梳弄芳草  
拾得殘紅引蝶飛  
今年溪上空烟草  
春人顏色秋同老  
舊桃無葉蝶已歸  
畱住啼鵲歌懊惱  
桃花無情春不畱  
溪流來照春人愁  
溪流聲裏聞低笑  
隔岸誰家千尺樓  
樓中秋女嬌如玉  
簾卷秋山畫眉綠  
山痕自秋眉自春  
那識秋風愁別人  
商量花到明春放  
一槩溪頭采白蘋

慈湖縣齋咏懷三十韻與王明府兼示陸明經

豫

老桂撐烟瘦  
祥招日角雲  
道真賓主得  
誼絕渭涇分  
椒

醴搜巾漣蘭膏繼晷焚拓牆指晚蘇蹴圃辨秋黃眼攝  
荆山柘手摘曾水芹散開慕潘岳風雅軼羊欣庭寂雀  
堪網門恬犬不猜心壺懸嶽嶽髦士集粉粉法曲傳鐘  
呂餘芳溢齒齠喜邀佳譽滿共拜使君慙有客黃叔度  
名駒朱錦幘聲名龍入洛超忽雁投汾快邁新知樂吾  
慚大雅羣鳳毛摩綺采蠶緒理糾紛意謝物於物辭刪  
云亦云怪譚稽雨妾情睇香湘君古藻月披鑑疾芒風  
運斤殆爲韓吏部特議鮑參軍舞也劃長劒袍之懸巨  
鼓吸呼真共息脫畧復奚湮密悅投中貺諸喧泯外聞  
聽烏窻並燭夢蝶被憐薰拭竹藏華離並蘿匿暗麋松

姿森卓犖蕙氣抱烟燼搗墨書黃絹茹丹換綠筋預期  
申券約壯志厲憂勤最惜牽裾別聊謀泥酒醺滴蕉淒  
夕雨撫鞦戀晨听江渚依依權城潮汎汎雲明朝官閣  
阻鴻背眄斜曛

崩崩男男當猛虎行

猛虎雖猛不食瞽兒手提長鞭來逐野麋 殺人以舌  
消膏竭血爾有子孫生氣斷絕 朝塞南戶暮築北牆  
出爲虎食不如置糧 崩崩男男平路生棘長橋未修  
大水來逼 上山不得爲猿奪木而處不得爲梟冒風  
垂脰其聲嗥嗥 誘我甘言我亦知之破體生痛曾不

見醫 子有戈弩亦何敢抗汝堂堂大丈夫不值拜牛  
豎 爾虎有俚我龍能煬莫言地窖深上有昭昭赤陽  
有酒使爾醉有肉使爾飽但願不下霜遍地活枯草  
有屋使爾棲有馬使爾騎但願西風和安穩千鴻飛  
有官不滿爾爵有錢不充爾橐猛虎食量無兼人猛  
虎猛猶弱

青天高高當董桃行

昔時清風滿野今日亂雹打瓦稽首北面陛下小民非  
昧昧者奈何驅之爲甕中鮓 青天何高高愁雲蔽地  
愁蓬茅十鳥九無巢東撞西拍聲喧呶獵兒自有烏角

朔 爲我割襟蒙首旁有間道可走健兵執挺相守趨  
兒牽馬隨後可惜繩帶長不曾縛芻狗 爲夫莫要平  
妻憐爲官莫聽吏言一喙承以兩肩食肉不知肥鮮鬼  
來瞞爾涕漣

愁趨趨當牆上難爲趨

牆上難爲趨步步愁趨趨趨亦不惜牆上難爲趨道  
逢西鄰兒歇擔牽其裾借問白臍豕肥瘦今何如有面  
莫戚施有口莫遽條今日衰經悲昨夜箏酒娛苟無簾  
中金高山將成墟夔狴連臂歌密穴逃神荼長刀未磨  
刮舌縮喉涎枯雖有法令嚴焉能殺無辜揚水如沸湯



百創攢肌膚西江不可湔  
褻體還區區勸客莫奴人奴  
人人所奴豈真羔特微生死  
係於屠東家僕背叟抱甕  
澆園蔬常說盤中殮粒米  
同粒珠

浹口曉發二絕句

蒼茫斜月未沈山  
迅逐孤鴻過海關  
萬里浮浮舟一葉  
昨宵秋夢尙人間

悶不成眠起倚篷  
大團徹底爛霞紅  
射龍勁臂吾無恙  
要向東皇借玉弓

出蛟門

靈鯨揚鬣戰重淵  
萬客勞心與沸煎  
藥死已沈埋龜地

天荒誰問種桑田暗潮洩弄遊鵲語

弄古  
術字

冷日闕疊亭

鵲眠

遊鵲亭鵲俱山  
名疊石夾水也

倘使珊瑚重長大願拋鐵網向淪

齋

### 黃牛礁

礪角抗南潮奔雲未敢掠荒邱隨地盡迴勢倚天驕佛  
逝心同瘦苔腥日易彫函關東氣紫回首夢迢迢

### 螺頭門

海氣折重門行空萬葉奔斷厓通鬼道殘壘廢軍屯亂  
後山都改年來事莫論煌煌天策府典籍至今存

### 自橫水洋出竹山疊

縱橫海線劃羣蠻天險何須論地頑待擲鵝毛沈弱水  
誰摩虎脊控堅關纏烟星紫燈懸堞割浪雲頽燒滿山  
指日庚辰勦禹力重埋鐵鼎辟神姦

書所見三章

琉璃嵌目頰鬚髭銅龍繡臂猩紅瓊舉杯中座力拍筵  
炙羊作脯腥流涎羣鳥肅拜如拜天偶然微笑降顏色  
若獲意外千金錢出門拱手羣相賀爭授茶黃作奇貨  
術堪致富賤亦爲殖可貽孫格同破昔年抱石城頭餓  
大市居然騎馬過從者墨面衣女衣僕背橫槍與巡邏  
野蒿一尺堆土城石壁倒剗千丈平壁上樓閣高建瓴

海日黯黯飄紅旌大鬼跳躍小鬼鳴呼笳品角敲鼙鉦  
壁下更無行人行行人繞道東岡走回指懸燈夜如斗  
飛鷺一唳流矢紅誤中行人等芻狗

不畏過海狐但畏坐山虎向人戟指兩眉豎上使戕戕  
說王府王府隸下千百軍名籍連環結行部殺爾區區  
敢來侮王府何所爲燭海鯨山媚天主王府何所娛祕  
密淫魔作鸞舞爾來僕我王府門王府坐爾琉璃整飲  
爾蒲桃罇與爾靈藥能返魂

薄林

薄林霜撼撼一岫戀燈光歎柵孤衾屋白雲東海鄉寸

心爭夜短馳夢與鴻翔卜隱堪鄰狄抱衣吾亦將

客小若山顧氏莊雜詩七章遣悶

兀坐竟終日自分非楚囚誰憐不繫心蕩若干里舟仰  
看天日光漸落西山陬飄煙倏成雨林風晚脩脩孤燈  
警初睡萬事難冥搜窮鳥爾何俟海上方羈囚

欲舞不得劒欲歌不得琴林露猶未霜敢作秋蟬暗明  
月照廣海遠見梅福岑一白自治蕩孤翠鬱以沈靈猿  
有仙骨木葉紉爲襟絕岳薇藤蒿樵者何由尋

曠時負良脊豈復芳妍春顧非雨黃鵠意態交逡巡露  
井桃不華纖草何由裊對我一楞山終日如舂髻渾樸

不可佩卞玉宜見嘖咄哉米家顛袖底藏嶙峋

夕陰弄遙野上見孤鴻飛片雲不遽歸其勢與之依結  
情在蒼翠木葉忘其稀乍有冷然風吹我新濯衣得酒  
且供酌至樂天同希采苗鞠猶綻種秫田方肥

雜林薙榜櫟稚竹森成篁久行忘入山迴磴紆如廊披  
烟逢獨樵面有青露光簪花疑野桃其息春蘭香海氣  
鬱不散午日浮亦涼小鳥來就人就之還復翔

壑路無東西量暑得其向穿林俯平疇身已萬仞上絕  
礧愁未通一峯復來傍下峪云有龍垂雲爲之障願借  
太虛心力爲積愁盪神樓不在天五丁亦能翔

大芋如亂荷纖翠偶來遊間以芙蓉枝不解風露愁葦  
簾坐野女意整神自修安知廣市中別有臨春樓馴機  
謝羅鍛鴛鴦不如鷗慰此牽蘿居焉用吟白頭

調徐大

廷濟

二章

顛亦能爲長史書死當埋以伯倫鋤守糧已散空倉雀  
困澤難騎涸轍魚烟火因緣消佛劫年華渾噩夢皇初  
何出一啟元關鑰撒手青天控玉蟠

十年苦行學山僧一握青筇裊瘦藤灑鉢甘香斟祕露  
壓函舊錄續傳燈晨鐘易夢心偏覺野菌如槃氣自蒸  
舐得餘丹堪不老西家雞犬早飛昇

復莊詩問

卷三十一

西

大梅山館集

太平菴

到山不見門到門但有竹竹影搖四垣盡作水紋綠古  
佛坐與古松對空谷禪心老無礙林風微激鐘自鳴嶺  
日方西堂已晦策筇歛立心太平過檐山鳥雙翮輕香  
厨一縷茶烟直去與白雲天際行

西窓看山

山色資苔色經冬綠似春分雲明鳥道拾葉見樵人冷  
壑宜琴坐餘嵐作畫皴頗慚腰力弱偕杖問西鄰

寄家塾諸生五章

殘醺能箸客落葉易思鄉亂鳥無安夜寒衾抵大荒暗



風山氣淒低月海陰蒼珍重素衣在明須問野航  
賤子厭離別故人思故歡夢吾江上屋過枕有流湍風  
已催潮至期難借酒寬竹陰燈釀碧還爾鬢華看  
梅花無鶴守匿影定遲開莫使鄰園雀時時啄蘚來冰  
霜何怨詈安飽有根蓼好復吾攜笛吾歌媵汝杯  
詩書供健福行路亦何心古道棘都滿濫遊情已涇病  
鷹難擊刺大木極蒼深多謝雲如絮融融媚薄襟  
喜聞烽已撤泥首謝軍官試振長天翮方知鍛羽難借  
君新薤竹護我舊憑闌畱取一弓地莫遮江上山

有所遲

爾泥深樽語碧紗置人天海弄風沙疲驢破帽差無恙  
谷籟溪泉轉厭譁隔屋春殘惟落月過門帆盡但歸鴉  
須憐精衛忘瘠口眼識蓬萊有岸涯

曉起

昨宵煖氣如二月曉起寒生杯酒中白雲到門忽無樹  
黃雀入屋知有風天外潮聲過山去亂時生計與愁窮  
女羅窈窕不如紵織得舞衣慚未工

客感八十韻寄吳

銘

兼示林

廷彥

病軀投濁囂影以夢相惜雲汴紛毒芝敢籌蹈海策市  
籠千頭魚不及釣者百斗室能囿人嚴於受鞭擗冬海

無佳天月時夜多黑草木愛精氣空山方效跡羈人髮  
數莖迢遞到霜白苦攜寸鐵刀生死眩雕刻猛割諸造  
幻孤心轉生憶吳子天末樓身亦異鄉客林生養鸞羽  
讀書善將息大壑開遠林明翠落疏席振檻雕鳶飛照  
耀眼同碧雅音能怨悱毋使繫成癖雨月經兩別流光  
水雲擲敢遭天謫深促騎入荒陬頻過野女廬覓似抱  
女襖拚蔽霜葉多難避面顏赤徑思迴大帆檣旗斬風  
色萬湍喧耳根引爲憤聲激愁雲莽東駛亂岡迴西畫  
寸眼千里長去與浪渤極蘊結誰述陳吾黨有肝膈今  
秋剡上民抗稅藐官檄雖伊頑無良氣實困搜剔蹈覺

前車存未思痛所革挺刃連入鄉蚩蚩遂甘城土偶充  
行軍小創抵大厄肉食鮮上謀但誠防堵力城下吾屋  
存支枕畏參夕藥爐守欲燼商飭慘相逼黔生集杞憂  
訛言起紛繹漸訝鄉鄰稀半作窖蟲匿繞室顧親孥減  
飯坐無憚袖手吾計窮巡檐聽秋滴野鞠春蒔苗疎花  
井根坼倚戶惟斷鏡末由刈蓬蒿苦此賸篋書寢興費  
鉤棘頗虞咸陽烽來火子雲宅預謀及儲糧乾坤敢疑  
仄十月未栗烈襪裝赴行役寒飈欺葉飴飄墮海門北  
海門如蹲羊萬蒿束頽壁廣沈盤厲氣牴牾四週舉蒼  
然鳴旱霆不脛謝羈勒微命迫鴻毛拂袖警砂礫窮洋

出祆島闕市鬼枯瘠石決垂手弓銅鉤挂髯戟羣頑附  
游食日糜數廩麥輕儇醜爲忍戾俗久沿積委傳安土  
安望已悔茲適鴟林匪逸巢猶足迅歸翮粹以野鷺招  
巧嫌置幽僻玉龍沈向淵鐵驪服之輒指駁琴媿調灰  
冷轉愁炙幸遇初鄂梅川原照明爐強持冰雪心隔牖  
與脈脈元歷驚小寒野馬浩馳隙試險行瞿塘終難怨  
蜀魄輒思吾黨子高歌氣凌轡廣坐集羣俊一篇鼓三  
擊入掌頗黎樽青深似蓮萼屏燭短且繼冠纓醉可摘  
靈韜溯樛阮俯仰曠奚迫曾念歧路人擁薪正嘗藥聚  
首風雨佳睽面海天隔欲知蕭瑟況但聽夜鴻隻邇聞

困涸餘次第就俘馘過江鄰郡兵撤屯散歸籍屏南六  
詔峯猿瘴洗頽壁庶免斯民離餓爲異鄉骸祥光薄上  
穹登樓目遙拭無恙彭澤門亭亭柳陰直仰賴 皇昊  
恩慰及賤子臆藜藿供太平烏容戀雞肋歸當堅閉關  
守牝事元默陳此拉雜音聊充雁足帛落照低亂鴉烟  
渚晚生沙遙諒君子心爲予致淒感淒感杳何竟橫江  
卷蘆荻

### 黃沙關

竹陰線路如螺鬟亂葉扶人出天杪羣嵐金碧荷萬支  
塘是橫闌海爲沼海烟一縷搖薄晴遠山日落天微頽

鳥從海岸明邊下帆向山根缺處行帆迴鳥轉含遙夕  
氣似初涼弄秋碧生憐下界怯寒飈好向蓬萊放歌席  
關人不識兵革愁卷簾日坐關上樓興來自作桃花醉  
夢挾滄溟西北流

大若胡氏山樓

高樓面海不半里樓背羣山抱迤邐山青海翠歸一樓  
朝可看雲暮看水水嵐山氣爭晴雨朝有啼鴈暮鳩語  
鳩催山雨雲入樓雲末殘陽水陰吐雨聲欲斷聞水聲  
殘陽轉在山半明迴光到海水微紫海末孤巒晚自青  
海巒平與山樓照樓背羣山讓其峭山葉隨風入海飛

山蘿幕檻秋燈篠燈風裊裊山烟冷風定烟開搖月影  
月衝海氣射樓東人坐樓西與山靜倚樓酌月月滿樽  
樽中山影青渾渾平吞海氣挹山秀腕底乍有魚龍奔  
高歌不知天地小和以山猿聞海鳥海鳥可狎猿可鄰  
吾欲吾生此鄉老海雲倏斂山月沈愁來不寐還擁衾  
孤樓歎客當茲夕山海茫茫萬古心

李家莊

下山新構屋上山新墾田不愁風雨無饑年主人隱此  
人其仙虛堂壁青雲層樹薄川漲綠風吹棉烏牛橐拏  
隴頭麥黃雞鷄伏牆角煙晚來天色照蔥翠草光泛出



春時妍有時鳥語或非鳥羣籟瑣屑交鳴絃空山儲秀  
何自偏一木一石皆嬋娟主人傾酒呼客前肥羊大芋  
堆廣筵側耳忽變風濤響仰首已見明月懸主人行酒  
同行泉客醉而舞相褊褊饒削俗慮忘拘攣那能借得  
一弓地梅花匝屋蘭爲榜環以翠竹溪清漣我當抱鶴  
茲長眠

松止關看紅葉

天台桃花摧爲薪赤城二月無陽春落英隨流飄入海  
化作西山萬朶雲紅雲萬朶壓山脊修逕如蛇通暗碧  
漏來巖隙日華明不使苔根霜氣夕縹烟糾結微有薰

客顏相映如薄醺拾將金谷珊瑚佩挽住羅浮蛺蝶裙  
珊瑚易碎蜨易老誰道秋光抵春好天際樓臺但有霞  
陌上蘼蕪已無草客來愁鬢感蕭疎獨向西風策蹇驢  
何如乞得樵擔菊歸作餅供對讀書

關外雨

裊裊山吐雲山翠轉晴嫵誰知山外村雲時已得雨西  
風吹雨雨入關雲氣轉出山外山遠山自雲關自雨天  
自無雲鳥自還野叟攜筇看雲色雲向南行雨向北一  
鳥中來飛向西鳥背殘陽四山黑殘陽下射雲吐處雲  
已歸山見青樹樹外危樓樓外山山外殘雲更低互飄

雲入海雨亦晴蒼然海色千里平  
兩三海嶼雨初沐來  
奪山樓山色青

簡懷姬人四章

閒房靜夕燭風昏澹月杳思動露痕料得殘蛩猶井絡  
可餘晚菊在籬門客樓山翠雲相怨宿夢衾香膩有溫  
日織素機無一尺蘼蕪曲意與誰論

莊生汗漫蝶爲鄉臣玉何心賦楚王爾悟天龍宜狎佛  
我隨塞雁學搏霜萬燈城郭角聲亂斜照關河柳影長  
此日此情供小病疎簾疎髻憶微茫

眼明去鳥入寥天自我之行月再絃出峽寒流驚荻老

到窗殘葉受風憐  
敢忘花害窮年淚  
幾度銀屏雙笑圓  
春夢如塵狼籍遍  
未消襟上藥爐烟

羅敷桑陌已無鶯  
老屋臨江但竹檠  
採得芙蓉知古怨  
邀來明月得新晴  
亂山歎夢愁蓮步  
澀指中宵試笛聲  
好熨薰籠消寂夜  
將詩咒與雪衣鸚

自關外至下鼻

高風舞山葉  
低風吹海沙  
沙黃間葉綠  
掠亂空中花  
肩輿過山山  
徑窄海浪如  
磐走山脚  
泛泛孤心沙  
與飄窅窅  
單衣葉同弱  
其上壁立千  
仞高壁有萬  
隙烟聲號拂  
烟不落爾爲  
鳥縋籐可上  
吾非猱山坳  
一屋門當海  
潮

氣流檐作奇采山人不識世滄桑但識雲容朝暮改我  
行下嶺還上山風色漸繁日欲殘俯看港曲漁歸艇仰  
指雲邊雁出關山頭砥石平如掌默坐臨風憶疇曩畫  
城烟月總淒涼古戍川原極蒼莽深秋山草猶自叢初  
花忽照山茶紅山南山北隔咫尺竟使氣候殊春冬鷗  
鵠出竹催新雨冷月穿林照眠虎雲中如有仙人行翠  
霧飄空落笙語

### 食芋

山日未出烟霏霏茅堂獨坐知晨飢霜臙劇得帶根芋  
松竈筠籠初出炊堆槃褐色何菌蠹絕似春燈薦貓笋

蒙頭密密雲綿卸。膩手滋滋玉膚縝。自慚胸臆多塵坌。  
撫弄柔香食未忍。昨宵天海風緊。淒夢落家園。見瘦妻  
手持濕炭看空釜。大雪一尺門無藜。老烏屋角將雛啼。  
殘年覓食食未得。妒爾鄉農好身力。腐儒未敢冀肉食。  
但願親孥健。粗飯文過殘年無菜色。

獨坐吟

茶陰獨坐山窗寂。山窗無塵日初直。山光十丈落松几。  
山鳥飛來語窻隙。山香浥浥遠海靜。松氣娟娟午天碧。  
碧痕紫迴上襟帶。潔不忍唾膩。難拭鄰女騎牆摘豆花。  
昨夜霜燈聞爾織。碧桃那解春陽愁。老與空山媚顏色。

可憐獨客有猿心但抱青蘿泣幽夕青蘿結帶帶百結  
帝子不來楚天闊空山之猿常脈脈

曠夜

魚龍曠夜蟄秋溟天宇濛濛見一星客有酒狂思太白  
雲如劍氣拂空青遙村隔樹聞殘吠短燭銜花照獨醒  
幾費閒愁供懶日明須荷鋤覓仙苓

秋盡

秋盡海橫霜沙寒荻葉黃垂雲都在水殘雁不成行我  
向孤峯立天真萬里長遠烟搖動處隱隱見帆檣

獨吟

高櫺天作水葉盡有橫極夢醒愁難醒獨吟還獨嗟候  
雞延海旭老豆蔓牆花泱泱吾何繫橫磯自釣艤



復莊詩問卷三十二

大梅山館集

鎮海姚燮某伯甫

寓目得六絕句

來時菜甲裏爛泥今看青苞一尺齊  
剝上筠籃餉鄰叟  
比他霜色上頭淒

八十老翁不出村茅檐曝背手弄孫  
料知汭北蘆未盡  
戢戢野鳬飛過門

曉汲南山石礪泉覓得花枝插髻邊  
自矜旖旎臨流照  
生長空山若箇憐

山人供客不入市漉得新篳有秫香  
預約明年五六月

聽蟬來坐柳風涼

諸種山田穀水田犁鋤忙過晚秋天難爲晴雨都調適  
好葺松牀自在眠

潮氣初平山影綠好風吹得嫩晴開斜陽小榜雙划槳  
載著雞鳧過渡來

咏山中茗花二章

祇解避人不避風寒肌自怨可憐紅樹邊潭水非春綠  
天外霜痕照暮虹夢得藐姑粧閣在醉疑飛燕髻貂豐  
黃荃畫格畱真本深到無言意許通

借護煙屏羞老葉愁飛海雪凍孤心蒼苔磴滑客來慰

蕭瑟年殘春未禁  
生並梅花天意屬  
感他樵斧別山尋  
歸當攜爾吾園去  
點綴青甌伴撫琴

靜裏二絕句

靜裏繙書帙易殘  
短衣童子勸晨餐  
便邀飽後前山去  
去覓春時未刈蘭

烏桕樹高欒樹低  
空階遺穗啄黃雞  
頗知客有還鄉夢  
遲到西牆日盡啼

夜起

隔村如許夜潮風  
能到重幃密掩中  
靜裏寸心收不住  
起看山月照疏桐

後山詩集 卷三 二 一  
憶園居四絕句

虛櫺不惜密窗遮  
匝得天痕似軟沙  
三兩疏筠陰未足  
只宜琴簟護秋花

小盆月季過時紅  
能借春顏作媚工  
莫放廊西吾讀處  
淺簷時有揭書風

偶趁課閒期客至  
慣尋事便慰僮忙  
安鑪掃得煙階葉  
細煮春泉領薜香

挂上蘿絲一丈柔  
槎枒瘦樹老牆頭  
不遮風雨不遮月  
怨汝冬時愛汝秋

勞客寄家書

不遇過江雁尺書君肯將心安勞亦適病減飯羞強海  
定鄉山見星浮天勢長好持遊子意一爲訊高堂

物藏

物藏天意逸秋去客心平轉覺海山闊都蠲蕭瑟聲寂  
林能守夢落日未妨情爾鳥巢無恙查查爲底鳴

薄暮自小榭泛舟至北渡宿延青樓

亂島森連營大峽束門戶風崖納潮激之吐野喊聲中  
萬槌鼓天霞一劃中水分海客駛舵如駛輪衣裾五色  
交繽紛千葉百葉華旖雲迴巖倒折暗木俯蒸起蒼烟  
欲爲兩眼明南岸一角城高下山燈入漁浦迎潮送潮

漁唱多山燈嵐翠漁燈波漁燈山燈錯星點  
漢流十里開銀河此外溟濛浮六宇籟合高穹  
有人語殘年獨客依片蓬萬里孤身漂一黍  
斯時郡縣方撤兵夜氣遙指東南清紛紛雁  
驚過天杪去傍千章郭樹青郭樹青青覆吾  
屋屋角寒簫動疎綠遙知怨女夢羈人夢我  
沙遙抱鷗宿沙鷗拍拍沙氣黃此夕羈人不  
夢鄉夢擷芙蓉鼇背坐飛隨朱鳥向扶桑

宿靈石廟挽亡友程

紹銘

二章

闊絕天雲夜有光照吾冷睡擁衾霜萬山老木枯無響  
一寸孤心感易傷雪意津梁今獨夢春燈花鳥昔華堂

子雲已矣門車散賸篋遺文付鼠糧

倉皇老婦挈遺孫舊屋遭兵已不存淒爾投荒聽野哭

與誰釀酒誅詩魂過簷海鳥巢頻換照楊寒篝短易昏

曙色到窻沈不綠空庭殘蘚亦愁痕

廟爲程君  
舊讀書處

### 登將軍山

松隙雲痕半借潮天邊葉影是帆飄鄉城可指山當戶

峻壁能緣我槐樵晚有鳩聲知欲雨下臨龍窟敢橫簫

寒蔬採作靈芝餌振袂長風醉未消

消寒小集同武三

陶

胡大

宋修

趙二

裕熙

飲酒得

### 二章

枯桑已無絲海水空自煎深樽有醇意默對邀古年烟  
明鳥窺樹風肅月在天納景虛堂中百態皆妙妍大塊  
浩生死爾我山中仙頗疑萬古短直可塵事捐充腸有  
肥芋濯垢宜寒泉良期不娛悅華髮將上顛耳目接蒼  
翠冲澹歸自然醒爲嵇阮傲醉學羲皇眠

太虛無雕鏤人心易穿鑿繞屋不種梅何來千歲鶴荒  
田謝膏澤靈雲隱宜壑六字無陽春到眼盡元漠何如  
傾醇醪中含萬物橐崢嶸能砥時詎嫌肌骨削空天恣  
凌厲羣象掃如稗挂檐長庚星風撼不能落沈鬱一以  
抒誰能奪吾樂願借奇肱車馳空繫鵬鶚



越日雨中飲復醉疊前韻示諸君

積憂競時序蜚鳥同沸煎苟乏靈椿姿安傲蜉蝣年開  
窗看昏雨沈翳無曉天寒蔬斥烟甲自醞春綠妍餐松  
可絕粒無酒吾亦仙笑彼新邱營死憂遺骨捐蒸雲出  
遠山去恐成濁泉幸畱一片青吞吐琪樹顛君飲不計  
量吾醉還陶然華鸞環作屏袒向蓬萊眠

蓬萊萬仞高境先混沌鑿皎月如龍珠橫簫且騎鶴沃  
焦有大淵堯時已爲壑崑崙與扶桑相對永漠漠皇極  
持寸心毋今喪我橐當使風骨存峻於兩厓削空宇無  
滯雲枯林不畱穉一握東海杯飛來掌中落仙叟賭玉

塵但解榻隱樂焉知天外孤夜影警神鷄

再疊前韻答諸君見和

壯谷有真永莫以漏卮煎閱人豈徒萬存者誰百年榮  
辱有平等正受斯順天亦此羽翮樂嫗母甯非妍鳴蟬  
托高樹飲露何仙仙涼飈解其蛻敗葉同棄捐何如酌  
元醴調以華池泉醉驂野馬遊勃窣秋毫顛浮沈喻之  
筏吾意良曠然死便荷鍤埋去作劉伶眠

人心無百竅世事苦紛鑿自顧七尺軀清瘦已爲鶴咄  
嗟眼中人誰能免溝壑耳目不自娛春陽亦荒漠天倪  
墮內和元氣爲之橐外如枯木禪面有冰雪削獨歌時

野坳空聲激烟籜蟄日在九淵大地感黃落壺漿不滌  
愁沈酒亦何樂萬里荒雲橫炯然見一鶚

消寒第二集醉後畫梅自題三疊飲酒詩韻邀諸  
君同作

跼身戀溫睡茶銚聞曉煎山櫺自春煦人世方寒年境  
靜猶華胥民古皆葛天疎林翠初滌來嬌毫楮妍羅浮  
夢中女玉骨姍姍仙自我去歲別未忍心腑捐若有橫  
斜枝澈底清照泉神來腕同赴縱墨隨倒顛陽和久灰  
死得氣能復然素壁一千丈起見靈虬眠

結構無同形天巧借斤鑿懸之明月間夜魂定棲鶴美

人青蘿衣憔悴委烟壑聆我幽澗琴整容致冲漠寫神  
不在貌華星漏元稹獨潔無依阿荆榛猛鋤削自飄十  
月霜虛巖積深穉縱有透壁寒難摧此花落剪燭與矜  
惜羣情亦怡樂擲筆空庭中長天振孤鶚

悶雨遣意次武三韻得二章

豈如病女感西風常使低頭閉玉櫳竟有橫流沈港道  
愁他飢鳥匿蒿蓬天陰轉覺荒山碧屐過都黏壞葉紅  
羲影娥暉邀不得直疑太古轉鴻濛

北林無恙語晨風幾度看天啟石櫳枯樹當門雲作葉  
亂山對我髯如蓬漫延靜客傾新淥遲爾初梅茁嫩紅

沈滯年華歸未得儘餘愁思落微濛

胡 宋珏

以鰯餉酒席上酬短句十二韻

大鰯大如臂小鰯如指長升槃和蔥醢其氣蒸蒸香老  
饗熟鮮食似此曾未嘗嫩有晚桃色膩若春鵝肪饒倖  
天生珍填我枯涸腸繼酒不辭再停箸還籌量朔風浩  
無垠萬物皆蟄藏頗怪魚網嚴搜括窮澤梁昨傍沙觜  
雲掉尾猶徜徉身世有危險意外誰能防是以古哲人  
踐命在守臧願君爲靈鯢去作天池翔

燈下讀黎簡民詩得四章

生早四十年與君定爲友我有心中言君心先我有俗

復莊詩問

卷三十二

七 大梅山館集

眼迷五色棄之同破缶當如峒嶮文祇許萬靈守我心  
靈遜君未肯讓君手強挽百石弓不顧柳生肘以矢赴  
的心中亦有時偶前身我或君君授我如受羣障紛烟  
塵揮之不值帚一海東南通遙遙奠君酒

奠酒君不知讀詩君不聞安得廣漠風吹醒天南魂叢  
雲莽無極中有芙蓉村芙蓉縱飄落老幹千年存老幹  
瘦如鐵下爲君葬墳罔兩自慚醜未敢窺黃昏黃昏淒  
淒雲君吟哀如猿尋君我以夢通我君以神誓爲對壘  
交面目何陳新當噓萬物枯在在生陽春此意與君私  
匪君吾誰論

西樵爲地樞東樵對之碧造化以二山交凝作君魄積  
詩如恒沙雲水互闔闢每緣流變多轉使眼界窄君生  
萬古後能出萬古隙衆星孤月奪兩界一河畫靈均與  
少陵抗君不君阨大抵樂滅哀君窮與才極命脈窺自  
天世人那能測畏君如畏霜寒芒靜相逼幸我心如冰  
稜稜尙能敵

夜氣聞山腥坐我萬丈潭手握驪龍珠百怪供窮探若  
君臨我側風髯飄以髟兩目睨日月氣和神則嚴君爲  
我魂魄我爲君史監根株固糾結鑱刃無能芟讀之竟  
一燭風力來助酣起視蒼莽中天釜雲如黻但露孤星

光炯炯南斗南擲我手中珠高下芒相參萬事有犄角  
誰來鼎之三君知或我笑笑我情亦甘

十一月十一夜作

四山壁立爲立城靜迤一色無一聲天雲在上凝以渟  
下照屋角斜有稜客與僮睡吾在庭不聞野柝知二更  
山外天海一萬里山中瘦客孤亭亭時十一月月將望  
上弦一雨今未晴繞門田草沒一尺水氣漫作江湖明  
開門俯視不見星但見積旬所脫萬木葉新舊間之浮  
瑩瑩遠鷗飄落數點白落從下岸窺魚行窈然來媚瘦  
客立客亦媚以茗雪情頗思郡城江上屋照壁淺綠浮



漁舫江雲旖旎花色凍花廊日夕江氣冥江頭老柳避  
霜節但肯憔悴不肯青今秋我閒坐其下瘦影與山兀  
崢嶸素袷默染江草碧斜陽背向吾屋橫爾鷗飛飛倘  
來止蒹亦有渚蒲有汀今夕江水靜漠漠無鷗或有棲  
雁鳴委鬟帳底愁忪惺愁絲綿裊挂疎柳孤影不夢當  
獨聽江潮闊絕雨意斷江樹密到烟枝縈安知獨客遠  
憶汝欲招汝夢來滄溟滄溟無月有龍氣又恐夢來使  
汝驚零蟀幽篁汝淒切上雲下水吾伶俜愁來更向野  
鷗語我不如鷗如浮萍閉門坐久雨且滴誰來剔我眠  
時繁

事靜

天風高避牖海雨暗欺燈事靜寒方覺愁消酒畧勝安  
居資寂地窮路識良朋踐得空山約吾當斥鷃矜

雨窗作二絕句

人間盡日風飄雨日在中天自照雲雲意戀暄不肯散  
安知寒氣下氤氲

天寒雲凍日逾短歲盡客孤心更長贏得松寮詩罷後  
濕烟過戶有茶香

題畫梅三章

研墨一斗手持筆低首沈沈氣息謐意欲刪落繁蕪枝

標爾生平真諦出上旋故作枯蚓遊下折偏能落鶻疾  
槎枒百幹風雨擎轉使旁觀訝輕率素箋一丈成頃刻  
空處融融水雲密懸之堂上如懸蚪堂下孤松未敢秋  
緱山獨鶴天際遊羣雀啄蘚鳴啾啾爾毋破壁入海去  
海上珊瑚多寶樹琪樹更種珊瑚旁葉葉鳴翠花能光  
仙人綠髮丹霞裳醉攜玉盞看鸞翔爾抱縱有冰雪骨  
去自人間多俗香天桃穠李浩如海爾在人間差自強  
不如卷爾置枕角共領寒宵清夢長

平生畫梅幾千幅換得青錢供酒肉畫本流落半天下  
誰能相梅如相馬松氣搖綠雲如山風雨打壁門不關

嗒然有得復或畫要借胭脂染嬌妩一時絢爛良自佳  
生恐年深易消化和靖先生冠帶行那不逢人遭斥罵  
我畫不足惜惜此梅花枝梅花有靈當怨咨空山十年  
飽冰雪鐵石爲心太古姿胡爲強我來入時

昨宵夢落大庾嶺星辰不高萬籟靜美人剪碎蝴蝶衣  
散爲玉雲照千頃曉來天影如碧綃奇采尙在空中搖  
神有所注恐其逝急拓長箋掃窻翳一枝兩枝脫筆生  
六七枝成更凝睇恐有靈姿媚煞人歎爾胡天復胡帝  
迴筆故作倔强枝千丈而落有石勢千牛力挽不得轉  
又恐旁人厭粗厲吁嗟乎柔茹剛吐吾兩難間以一箭

湘江蘭莫憐娟好如女鬟勁弓百石兼能彎畫成棄取  
聽人意置酒且看門外山山中之雲何其閒

消寒第三集分咏食物得魚羔二十二韻

朱門如天高戒寒車馬稀夕風凌厲中頗聞簫聲低庭  
樹森過樓紅燭隱有輝密帳垂銷金釵黛方台圍官厨  
老宰手宰羊猶割雞投匕輒不悅側目嫌瘦肥有力需  
所供求適亦其宜未遘窮巷艱吾難於彼譏今茲二三  
友愛我何偏私特殺圈中羔陳饋來勸卮膏然琥珀色  
和以松煙脂膠牙疑飴酥聶切歸爛糜自憐三年來減  
食養病脾安能對此豪絡繹同啜醕海鄉凍頽雲下澤

方鴻啼窘民鮮安堵傷亂失援依日煮一升飯不救全家飢徘徊思野蕨雪路風淒淒吾人恃天力差可安粥齏越節及上烹恐遭造化嗤撒筵剪殘燭感歎爲此詩借問党家翁健骨今何其

有懷張

培基

客上虞得三十韻

張子如我窮亦復如我驕本無過人才未肯輕人邀夙昔期閉門誓以鐵鑄牢不作瓊樹枝委土何妨茅詩書難煮烹在室謫漸交聊援馮婦例攘臂行於郊子行方八月餞子沾濁醪張帆已在岸座上歌且簫斯時江城雨激之風如潮落葉颯有聲與雁空中飄雁聲催送君

未別心先遙預愁城西山阻夢千尺高得君一紙書累  
我十日勞傍燈屢翻覆烙面忘其焦在君遠憶心羨我  
安蓬蒿燕馬就齊粟數在吾難逃近臘天爲冰凍地成  
不毛纖鉅各斂螫大渤孤萍漂但畱燈若君與我相依  
掠君或憶我形瘦鶴啼霜巢修篁拄直幹斜受東風撓  
破匣思切蔬咄嗟吾怨刀及今時序遷天未當迴橈安  
知跡弛者尙蹴南海鼃明朝破雪歸窮巷重子遭應將  
新淚痕各各驗綈袍日月遞經緯東流水滔滔靈均同  
濫觴後世無真騷惟我與子心萬苦相漆膠桃李雖可  
娛勉哉松柏彫

夢阮大訓

青天高高不可窮朔風萬里飄一鴻鴻飛飄飄過大海  
島嶼蒼茫城郭改城中有客抱玉琴管然其思秋烟深  
不媚人作下里之曲不操古爲猗蘭之音琅玕無鳳明  
月陰對面一尺有幽壑白猿含睇同沈吟孤燈蕭蕭門  
外風雨年殘未歸悵亦誰語今夜胡爲獨夢汝

曉吟二章

庭竹橫窗曉氣深頗聞遠鳥語疎林夢無鴻翼鄉難到  
衾有霜華鬢易侵初日山川媚晴意應時蝦菜愜閒心  
披衣自泥深樽醉醉且無聊黯復吟



吟心曠與白雲開  
吹落殘雲到酒罍  
幾日不成王粲賦  
中原豈有李陵臺  
飄烟亂鳥如星沒  
排闥羣山過海來  
仙藥至今尋不得  
吾廬花草卽蓬萊

水鄉

窈鬱抱幽翠  
背海自成村  
隱隱落犬吠  
斜斜見竹門  
風香知釀氣  
烟濕是炊痕  
盡日無暉照  
水鄉林易昏

醉後作短歌十一章

雨不打無巢鳥  
風不飄無根蓬  
我獨何爲好  
行路暮聽寒雨朝  
聽風朝在南山  
南暮宿北山北  
北山殘菊南山  
楓盡是行人苦  
顏色

篋中有一劒不及三尺長十年伴我走湖海夜來能作  
秋虹光秋虹飲水劒飲血恩讐未明事難說且攜殳繳  
入淩土山手獵飛雁供晨餐

月不落星不明庭葉不多微有聲中宵不睡對殘燭人  
影當門燭光綠開門欲曉星月低枯桐照井烟淒迷天  
風嫋嫋吹蘿衣

薰籠不溫手如鐵錦帶連環看玉玦人生能有幾寸心  
長此傷離與傷別舊歡杳難索新歡良足嘉空林雪霽  
開梅花一枝兩枝美人影月過樽邊萬山靜

對人靜坐無一語含思沈沈在何許出門又遇日落時

大路渺渺將安之高冠如豸印如斗前有飛鷹後走狗  
昨日桑田今種柳

春風秋風知何情海水可涸天亦傾瓜田長蔓結豆子  
小山叢桂多啼鶯人生是非那堪道曾參殺人伯夷盜  
西子無鹽不爭貌

黃鸝作歌蝴蝶舞高樓蛾睂一生苦關山明月秋夜長  
可憐門外無津梁津梁迢迢一千里車馬紛紛行未已  
出門者愁歸來者喜

歸來何所喜出門何所愁白雲在谷風吹悠悠白雲吹  
落天盡頭天盡頭有明月月如雪柳如結柳枝結柳花

飛月漠漠雲霏霏

東家李花白西家桃花紅桃花李花爭春風西家桃花  
紅東家李花白不如兩家女兒好顏色李花欲謝桃花  
飛春風落寞春鳥歸女兒顏色無人知

喈喈啞啞鳥啼日斜他鄉雖樂不如還家啞啞喈喈鳥  
啼日落有家不歸他鄉何樂鳥鴉烏鴉弗復啼出門無  
寒衣遊子聞汝心悽悽

何以消我愁置酒一斛登高樓何以散我憂隨風萬里  
乘扁舟高樓不見青山青扁舟萬里安所行慨焉獨立  
雙涕零

日暮

日暮風催雪天高月競雲如何滄海雁殘歲有離羣

再簡姬人疊前寄韻四章

野陰迎雪水先昏曉翠遙山隱夢痕雞唱定憐燈照枕  
竹敲曾誤客歸門倘思瘦影憑梅索幾累寒宵借麝溫  
淅院淒烟沙艇霧也當置酒向君論

夙悟華胥是寄鄉相期齋禁禮空王君胥苦瘦難辭黛  
我髭憐疎况近霜乞杵研丹頻愛細引絲續繭轉愁長  
嬌蘭天許修書侍敢道真靈在渺茫

跨海關高柳拂天飛鳥入峽避驚弦萬家夜氣霜爲色

獨影空庭月與憐小竹簾深知夢窄大江水闊覺山圓  
歸當共燕沈香火看取凌霞一氣烟

年華取次入春鷺好預看花製絹繁儲炭還防冬至雪  
試鐙轉憶上元晴線車在牖無蟲響客屋當山有鶻聲  
一樣淒涼均兩地不須低訴與籠鵝

雪夜飲酒聽趙二

裕熙

說庚子歲定海縣知縣姚

公

懷祥

總兵張公

朝發

殉難拒夷事紀以長歌

趙君置酒忽不樂醉掣七首揮白雲胸中舊事匿真史  
謂當借我長篇陳今宵大雪天陰陰瘦猿作筑烏爲琴  
商聲離沓和千籟有鬼旁涕悲其音當歲庚子夏六月

喝日千巒爍林樾孤城海上浮  
一丸罔兩潛來索山骨  
擣虛或似龍驤軍樓船走轂天爲氣請兵告急拒不發  
一朝壞我將誰云二十七艦平旋潮亂呼聲築金距趨  
遊魂絕島豺狼忍側目中原意氣驕承平已久兵力孱  
刀鈍不犀弓難彎糧無儲蓄縣官苦職有司守將軍難  
將軍獨幟當堅壁縣官倉皇倒持戟約戰難寬三日期  
萬姓存亡爭一息女牆列炬南門關蒺藜欄木傳車轅  
將軍擊馬堵衝道兀立不動如邱山  
時紳士勸張公入城避險公嚴止云  
是吾邱山可動身不動微命鴻毛  
國恩重驚飈壓屋  
孤木持漚霧埋霄一星竦連環瑣甲霜髯飄將軍立馬

東崖高屯郡獠林正傳宴眼看逝水流滔滔斯時縣官  
巡民市十戶荒涼九逃徙存者誓爲一臂當敢以偷生  
速公死忽傳鈴騎縋城來城門不鑰轟然開火鴉落碧  
大旗折雷聲捲地聞哭哀將軍死矣民則那四城鼎沸  
訛言多前兵已潰後不繼將軍未死還如何將軍未死  
創已深民爲裹血聲鳴暗堂堂 天子命之帥詎宜生  
就蠻夷擒將軍凜凜議大義民挾將軍授之騎南門路  
塞馳北門誰料將軍受民卽社狐倉鼠無一存灑地但  
有新血痕天魔種子夜叉相汗如魚氣蒸渾渾存者欲  
出不得出出者窺門不敢入未死徙爲將軍悲一死還



爲縣官泣將軍囚赴轅門讞膚革無完足寸蘭將軍不  
死大帥生誰許將軍舌能辯北面稽首烟草中縣官就  
死何從容杜鵑喉澀淚出骨赤山炎氣方熾熾我歌至

此心腑摧縣官良吏非庸才爲臣不易父紳佩

五日前  
尙在書

院課士以爲  
臣不易命題

見危而授無疑猜高墳古柏風吹折下有

清池凜寒雪

城北同歸域爲明魯王諸臣叢葬  
處下有梵宮池姚公殉節於此

昔年羣

公有同志今日縣官是孤節高軒食肉多組纓天地私

汝成一名可憐烽火初驚夜猶與諸生講六經縣官已

矣且弗論將軍不死還何言一時鐵鑄六州錯遂抱黃

泉萬古冤天門巖嶮難呼枉遍野荆榛密羅網尸居不

識海淺深反珥雕翎受勲賞將軍不死還死創桐棺草  
斂秋風涼海風東浙潛蛟遁海月南閩淒雁翔縣官亦  
是閩中產苦共將軍竭心眼春秋功罪無倖逃同見  
先皇復何赧趙君醉醒吾歌終大雪爲止羣山空起看  
溟渤天同遠側聽訇碎水又風青天茫茫億萬里書我  
長歌擲諸水東水澄清天日高始信魚龍多譎詭

晴

貼簾花轉明鳥亦有娛聲天掃積旬翳客生如許情遠  
波田氣潔初綠大山橫悄極斜篁月夜宜媚我粲

海雁

海雁瞥已遙天雲澹欲消古心投契闊時物敏蕭條屈  
子若爲怨陶公如見招青山吾舊侶依柳擁孤髻

雨罷

垂琴齊下軫密硯蓄泓波其理得諸靜相資良足多檐  
高山却俯雨罷客能過聊與掃禪榻微吟對薜蘿

柏

雕零萬樹色孤柏見冬心雨急蒸龍氣風高逼鶴吟娟  
人無熱意愛爾有清陰願結一椽屋時眠聽瀑琴

寸心

萬事亂山亂寸心孤木孤澹忘持小劫潛匿得真吾寂

續晨鐘月高霜夜屋烏莊生齊物論未肯汰榮枯

迴夢

迴夢得鴻意長天罷朔風山高愁月緩苔靜識堂空勞  
悴關心始年華在酒中沈懷師大造默地有神工

鷓鴣

鷓鴣謀一飽繞樹看環飛守命懲奢欲馴天養逸機難  
捥無稻粒鳳鍛有苔衣托室巢能穩神霄未敢希

冬日旅懷雜詩三章

老苔積餘雪深閨何潭潭瑟縮寸蘭中在物吾其鷲孤  
心抱如壑幽極難自探怪石對病軀瘦影兀瞿曇堂雀

不避羅橫朔風正酣低門受荒囑  
臙柳猶豔斃宿烟凍墟里閭翠飄  
明嵐收櫓碗午潮過峽無一帆以身  
恣迴薄弱甚吾未堪力護道氣存懼  
與羣物淦天心忌雕屑真元古無  
鑿萬卷糟粕辭詎足供研覃

迴野天蕭蕭捎雲有孤隼西下千里  
潮流與夕陽盡羈人遲未歸憂來不  
能忍誰見六宇寬畱此一身窘晚色  
浮空來霜氣逼潛紫乍有邨火光激  
射到簷簷對面將軍山峭極夢難近  
夜啼不待猿有淚我先隕鬼神徒見  
猜意氣鬱未泯尺蠖無由伸附爲草  
間蚓下澗重淵流上揚九霄坊庶幾  
俛仰間一揭萬古憤

桃華如琪林風作垂珮聲芳年結靈契誰爲安期生白  
雲散不留絕壁空蘿藤謂當月滿時青鸞尙來鳴蓬萊  
一涉足五岳宜平平亦思舞甕雞敢傲圖南鵬上仙與  
天壽於世究何能何如襍穢翁坐見黃河清我歌人不  
知知者宜千齡人間萬容槁地下陽已萌詩書有傳德  
神在無離形渾噩羲軒民至今猶孩嬰

醉甚

寂恨憑誰置糟邱此築臺心魂勞夢守天地送春來習  
世知無淡投閒媿不才駟然塵滓拭冰鏡客何猜

渡口

對村山作岸聚宅水爲鄉沙鳥姻舟路人烟合暮光暗  
潮平欲漲老樹鬱相望定有傷時客逃名托種桑

聽帆樓作

四楞無幕半高筵颯有寒風到髻邊雲闊莫愁鴻路隔  
山空轉使客心懸平岡亂木羣羊宅淺水荒荻獨釣船  
落日平原蕭瑟甚方知天地入殘年

月

靜極寒深得定光天開冰界地浮霜不知歡樂誰今夕  
如此年華我異鄉獨影銜杯空脈脈亂山橫海但茫茫  
愁來頻向中庭立竟夜曾無一雁翔

風

中宵使我感生平相對搖搖短燭繁不散積愁同亂葉  
恐吹遠夢在荒城人都久厭干戈苦天亦誰爲意氣爭  
且自斂藏聽造化空山猿鶴莫悲鳴

大風不得渡四章兼留別諸君

身在天涯心在家遙看是霧是山遮殘陽過嶺殘雪  
獨樹無巢苦獨鴉人境荒涼疑絕域友朋離合感搏沙  
奸拚今夜孤燈夢去覓張騫貫斗槎

石尤於我竟何尤媿我身非不繫鷗待到白雲迷去路  
始知滄海有橫流短簫擬唱公無渡冷榻相依僕亦愁



多謝故人頻慰藉清樽華燭對庭楸

君亦蠕蠕感蟄蟲我何唧唧怨天風須知日短心俱短  
況值年窮事更窮酒滿當筵都作霧劍寒在抱不爲虹  
明朝萬里開天鏡去踏方壺看曉紅

漫於身世感飄零風雨經旬共影形此渡別君沙草白  
來時待爾柳枝青蓬萊水淺無春柘溟渤天空有夜星  
他日杜陵如見憶孤松曾與客雲停

### 下南渡

暗礁森頭鐵風顛鯨夫舡崖心千樹轉鳥背一村冥役  
世愁轅馬營巢感曉蟬今宵幽澗瑟將我夢來聽

穿山

犄角連三縣魚鹽冠七鄉海潮通暗浦天壁拓明堂地  
到無垠絕民知守業良忽飄雲外雨榭葉共紛黃

宿蘆江與胡濱夜話

十萬風林擁一簣武平橫瑟此高樓江村霜重租宜橋  
野淀烟深夢可鷗讀畫自超名世想買山預作結隣謀  
明年二月春潮嫩莫使垂楊負釣舟

飯磴山道中

歇擔空亭滿吾嗟逝者勞木稀山盡出海近日猶高我  
畏清霜逼天餘獨雁翔淹留資小醉悅客有村醪

自瓊瑤河踰玉几嶺

落日未落萬篁靜來踏浮圖過山影但聞樵唱不見人  
平視深天綠千頃鐘響自停雲自飛冷然玉風吹我衣  
懶僧早閉幽淵宅去鳥不投叢林依空山閱人如閱夢  
多少流泉出山送狎瀾弄雨三十年重向茲山頓塵鞅  
昔所見者今幾畱青蒼無改松與楸千丈巖陰有茅屋  
謂今廢作荒烟邱使我目斷心悠悠記童時隨母過明  
堂舉外家張氏嘗  
踰此嶺蓋已三十餘年事矣近日外族  
凋零尉氏以下鮮有存者故詩中及之

晚投阿育王寺佳僧

馬九

畱飲玉几松堂二十韻

萬寓方就昏佛天止明水鬱蒸松氣香到地與雲委使

我禦雪衣融然漬春藥孤巖虛有心向我定無詭安計  
六合寒物質正愁毀閒房畱晚殮殊蔬列簞簋飲啄有  
正叅烏能聽脣齒草木資腐腸畱蛻亦同死何以歷劫  
身不壞大雄氏離相求莊嚴終難語言似儒墨雖異根  
居恒重端始墜詞積萬厨緘舌了以理青衲同舞裳聞  
言揭燈起高幢翻亂星不動自芒屣彈指穿百牆續醉  
更添醺蠶蠹四字蟲匿入磬聲底既飽吾且行因緣謝  
悲喜須知一寸燭已抵兩磚屠門限分天人出關卽千  
里迴顧芙蓉巢檀霞冒龍觜

二更自寶幢河放舟寒甚不得睡

淒我逢今夕燈寒一舸孤水流聞處澀夢氣索來枯天  
宇冰霜緊人間歲月徂敢教春意蓄鍊骨到梅癯

歲暮吟五章

守蟄順時物乃遂性各息其元要以無競乾樞不彫萬  
生之柄保乎極中孰窺厥命山川閉緘風雪方勁象憲  
皇皇歷有崇令

敗樹不葉烏來踏門網置相索人亦寡思冰海月瘦曠  
有墮魂病癯失食哭聲夜吞嗟吾斂手晨曝絮禪莫追  
所逝慎務其存冥祈或感廣煦春溫

言馴菜苗綠短無寸禾瞻民色饑年誰信聆彼怨咨天

地亦困至人辨幾懲溢於分凍翼易殘曷由翔奮

百年定命十年課時臧否榮辱難諱獨知道不懸踵天  
無隔睂喜怒一瞬衰與運追緬惟前哲示我英規造化  
在腐神明可師芳盛踰節乃遘今危召和還增佳哉後  
期

喬松百柯豈有靈瀦養日得腴荒壁生黛絃之古琴氣  
作香爍削雪一峯兀焉平對我思其人傑立大塊昭明  
兩儀不僭不代未聞天心私以殊資沿覽及之用吾長  
慨

雪窻述懷二章

雪窻炯影厲難逃天角孤星挂樹高  
暗想易投中夜靜雄心轉悔少年勞  
較量古事叅千變勃窣空風借一毛  
莫謂夢絲無許斷但憐擧手是鋸刀

屈澤何須怨蠮身怡然物我共  
皇春山中宰相壽元客柳下先生懷  
葛民木不中材宜受棄石難用砥復  
誰磷披雲試俯天門盼各有生機寓  
大垠